

Әдебиеттi - ардың ісi

Уш қонақ

РЕСПУБЛИКАЛЫҚ ӘДЕБИЕТ, МӘДЕНИЕТ ЖӘНЕ ӨНЕР ГАЗЕТІ

Газет 2010 жылдың 19 наурызынан шыға бастады www.ush-konyr.kz №20 (539) 21 мамыр 2021 жыл

АҚЫНДЫҚ АДЕМ

«МУЗЕЙ ТҮНІ»



Қазақстан Республикасы Мемлекеттік орталық музейі 2021 жылдың 18 мамырында «Халықаралық музейлер күні» кәсіби мерекесіне орай «Музейлердің болашағы: қалпына келтіру және жаңғырту» ұранымен «Музей түні 2021» онлайн-жобасын өткізді.

Аталған жоба музейдің қалпына келтіру ісі мен музейлік экспонаттарды көрсетуді, түнгі экскурсиялар мен дәрістерді өткізуді қамтыды.

Қалыптасқан дәстүр бойынша бұл күні Орталық музей сағат 10.00-ден бастап 17.00-ге дейін Ашық есік күнін өткізді.

Орталық музей Алматы қаласындағы ЮНЕСКО Кластерлік бюросымен біріге отырып халықаралық аудиторияны қамтитын «Орталық Азия мен Азейрбайжанның музейлері» атты халықаралық жобасын өткізді. Оның ая-

сында Орталық Азия музейлері мен Мемлекеттік орталық музейінің экспозициялық залдары мен бірегей коллекциялары көрсетілді.

Биыл алғаш рет Орталық музейдің бастамасымен «Музей түні 2021» онлайн-жобасының аясында отандық музейлермен бірлескен музейлік эстафета өтті.

Музей түнінде музейдің қалпына келтіруші мамандары «Қалпына келтірудің құпиялары» атты тренинг аясында көрермендерді қалпына келтірудің құпияларымен таныстырды. Оның барысында музейдің қалпына келтіруші мамандары өз кәсіби шеберліктерінің сырын ашып, кілем-киіз, зергерлік бұйымдар, қыш бұйымдары, мата мен кесіндеме сынды түрлі сипаттағы артефактілерді қалпына келтірудің қыр-сырымен бөлісті.

Одан өзге, «Музей түні 2021» онлайн-жобасы барысында музей қызметкерлері «Ғылым ордасындағы» Табиғат музейімен бірігіп «Палеонтологиялық экспо-



ҮНІ - 2021»



наттар мен жануарлар тұлыбын қайта қалпына келтіру» онлайн-шеберлік сабағын өткізді. Реставраторлардың жұмысымен таныстырған жетекші ғылыми маман, б.ғ.к., Америкалық ғылым академиясының академигі П.А.Тілеубердина Қазақстан аумағын мекендеген жойылып кеткен ежелгі жануарлардың қаңқасымен таныстырды. Музейдің реставраторлары жануарлардың тұлыптарын қалпына келтіру мен палеонтологиялық артефактілердің муляждарын дайындаудың тәсілімен таныстырды.

«Түнгі музей» жобасының аясында «МАСАТЫ-ДАЙ ҚҰЛПЫРҒАН...» көрмесінің негізінде кілемтоқыма бұйымдарының дайындалу процессін көрсетті (экспозицияға жан бітіру арқылы). Сонымен бірге «б.з.д. XIII-IXғғ. Андронов мәдениеті дәуіріне саяхат» түнгі экскурсиясы онлайн көрермендер назарына ұсынылды. Сонымен бірге Алматы қаласының сәндік-қолданбалы

өнер шеберлері мен суретшілермен, оның ішінде Күлән Жанғұтты, Тамара Волкова, Бердібек Шоқпаров, Рыскелді Мұсаев сынды белгілі мәдениет қайраткерлерінің қатысуымен «Шебермен сырласу» атты онлайн-кездесу өткізілді.

Қазақстан Республикасы Мемлекеттік орталық музейі дәстүрлі түрде ұйымдастыратын «Музей түні 2021» жобасы онлайн кеңістіктегі көрермендерді мейлінше қамтыды.

«Музей түні 2021» онлайн-жобасы «Қазақстан» ТРҚ, «Мир», «Хабар», «Егемен Қазақстан», «Время», «Вечерний Алматы», «Новое поколение» газеттері, «Давай сходим», «Тенгри ньюс» порталдары және басқа да БАҚ жарияланды.

**Сұлушаш АГЕЛЕУОВА,
Әсел ҚОҒАБАЕВА,**

*Орталық музейдің қызметкерлері.
Алматы қаласы*

